

810_ صلاة الخوف و صلاة العيد (شرح كتاب الفقه الميسر) _ م/

علاء حامد

علاء حامد

الحمد لله واشهد ان لا اله الا الله وحده لا شريك له. واشهد ان محمدا عبده ورسوله صلى الله عليه وسلم. اما بعد. اهلا ومرحبا بكم في لقاء جديد ومدرسة كتاب الصلاة من كتاب الفقه الميسر. نسأل الله ان يتقبل منا ومنكم صالح الاعمال. الحقيقة المرة الماضية كنا انتهينا من - [00:00:00](#)

كلام على صلاة الجمعة. والاحكام المتعلقة بها وبيدأ معنا في كتاب الصلاة من كتاب الفقه الميسر في الباب الحادي عشر قال في صلاة الخوف في صلاة الخوف. وصلاة الخوف هي تعتبر من صلاة اهل الاعزاز - [00:00:20](#)

مسلم صلاة المريض صلاة المسافرين. لان صلاة الخوف في تغير في آآ صفة الصلاة فلا تصلى مسل الصلاة العادية. آآ ففي تخفيف في صلاة الخوف وفي صفة هنكتشف ان فيه صفة جديدة تماما - [00:00:37](#)

في الصلاة هنراها في صلاة الخوف. فلما كان هناك آآ تيسير في صلاة الخوف في وصف الصلاة اعتبرت طبعاً صلاة الخوف من صلاة اهل الاعزاز وآآ مشروعية صلاة الخوف انما آآ هو العمدة في ذلك قول الله تعالى في سورة النساء واذا كنت في - [00:00:54](#)

فاقمت لهم الصلاة فلتقم طائفة منهم معك. وليأخذوا اسلحتهم. فاذا سجدوا فليكونوا من ورائكم ولتأتي طائفة اخرى لم يصلوا. فليصلوا معك وليأخذوا حذرهم واسلحتهم ود الذين كفروا لو تغفلون عن اسلحتكم وامتعكم - [00:01:17](#)

فيميلون عليكم ميلة واحدة فاذا الاية طبعاً هنشرحها بالتفصيل. لكن دي اصل مشروعية صلاة الخوف. وهي بتتكم على ازاى تتصلى الصلاة في حال الخوف. وان الحكمة من صلاة الخوف على الصفة اللي هنتكلم عنها كمان شوية - [00:01:39](#)

وهي ان العدو ما يهجمش علينا العدو يتمنى ان احنا ننشغل بالصلاة فاذا سجدنا ولا ركعنا فيهجم العدو علينا ويستغل ان احنا مسلا وضعنا الاسلحة بسبب الصلاة ومنشغلين الان بالصلاة فيتم الهجوم في هذا التوقيت - [00:01:56](#)

لذلك حتى لا يحصل ذلك سرعة صلاة الخوف على صفات هنقولها ازاى ان الجيش هيصلي وفي نفس الوقت مش هينشغلوا عن مواجهة العدو مش هيسمحوا له ابدأ ان هو يهجم عليهم في السجود ونحو ذلك - [00:02:14](#)

لكن طبعاً الاية ديت اه من الحاجات اللي يمكن ذكرناها في باب صلاة الجماعة. ان قلنا ان صلاة الخوف من ادلة وجوب صلاة الجماعة لان الله سبحانه وتعالى امر بصلاة الجماعة حتى في الحرب او في الخوف - [00:02:29](#)

وازا كنت فيهم فاقمت لهم الصلاة فلتقم طائفة منهم معك. يعني جماعة وهذا دل اذا كان في حال الخوف امر الله تعالى بصلاة الجماعة فمن باب اولى في حال الامن. تمام؟ ومن مزايا صلاة الخوف - [00:02:47](#)

انها هي الصلاة الوحيدة التي فصلت وبينت بالتفاصيل في كتاب الله سبحانه وتعالى وبينت في احاديث النبي عليه الصلاة والسلام كما سيأتي. خلينا نقول المسألة الاولى حكم صلاة الخوف قال صلاة الخوف تشرع - [00:03:02](#)

في كل قتال مباح كقتال الكفار والبعاء والمحاربين لقوله تعالى ان خفتم فرجالا ان خفتم ان يفتنكم الذين كفروا وقيس عليه الباقي ممن يجوز قتاله طيب بيقول تشرع في كل قتال مباح - [00:03:20](#)

يعني لك انك انت تصليها بس بشرط ان يكون القتال مباح ما هي انواع القتال المباح؟ قتال المباح في جهاد الدفع ان الكفار هجموا علينا وحاربونا فاحنا بندافع عن نفسنا - [00:03:38](#)

بيتهياًلي مباح جهاد الطلب ان احنا بنطلب الكفار في ديارهم لندعوهم الى الاسلام ونحو ذلك فده ايضاً جهاد مشروع وقتال مشروع كما ذكر قال قتال البغاة ميين البغاة دول؟ البغاة دول مش كفار - [00:03:51](#)

البغاة دول طائفة مؤمنة او مسلمة ولكن بغت على المسلمين والبغي دوت يحتمل آآ احتمالين. الاحتمال الاول ان يكونوا منعوا شعييرة من شعائر الاسلام كان يكون منعوا دفع الزكاة بخلا - [00:04:08](#)

لذلك ابو بكر الصديق قاتل مانع الزكاة وقاتلهم قتال البغاة تمام آآ ان تكون طائفة عموماً امتنعت عن شريعة من شعائر الاسلام والامام طلب منهم ان يتوبوا فابوا فحزهم فاضطر ان هو يقاتلهم لكي يحيوا هذه الشعيرة ومن شعائر الاسلام كالزكاة ونحو ذلك. فدول ببسموا بغاة - [00:04:25](#)

قتالهم مشروع. فاذا احتاج الامام في هذا القتال ان يصلي صلاة الخوف فله ذلك ومن البغاة ايضاً طائفة مؤمنة اعتدت على طائفة مؤمنة اخرى وكانت لها ظالمة فحاول الامام ان يصلح بينهم. وان طائفتان من المؤمنين اقتتلوا فاصلحوا بينهما. فان بغت - [00:04:48](#)

احداهم على الاخرى فقاتلوا التي تبغي حتى تفيء الى امر الله. الفنة الظالمة اللي ابت الصلح بوابة ان الامام يعني يفصل بينهم ومستمرين في القتال هتسمى فئة باغية وهنا الامام من حقه ان هو يقاتل الفئة ديت. فده قتال جائز ومشروع. فاذا كان قتال بهذه الصورة هنا يصح فيه ويشرع فيه ايضاً صلاة الخوف اذا - [00:05:08](#)

محتاجه الى ذلك واما اذا كان قتال محرم كمثلاً الفعل الباغية دي نفسها. يعني اللي هي بتبغي على فئة اخرى. واحتاجت لصلاة الخوف لا يشرع لها ذلك ان ده قتال محرم. قتال طائفة مؤمنة بتقاتل طائفة اخرى وهي لها ظالمة - [00:05:33](#)

وهذا قتال غير مشروع وهذا قتال ظالم فيه اعتداء. هل يشرع لهم صلاة الخوف؟ لا طبعاً لا يشرع لهم ان احنا خدنا القاعدة ان الايه في صلاة المسافر ان الرخص لا تستباح بالمعاصي - [00:05:52](#)

رخص لا تستباح من المعاصي فاذا كان القتال اصلاً هو قتال حرام. آآ فاكيد الرخص لن تستباح لان الله لن ييسر على من يفعل الحرام آآ آآ معصيته. تمام طيب بيقول فتشرع عند الخوف من هجوم العدو - [00:06:07](#)

حلو. يبقى انا بصلي صلاة الخوف امتى في عدة حالات. اول حالة لما اكون خايف ان العدو يهجم علي دي طبعاً هيبقى لها صورتين زي ما هنشوف الصورة ان ان العدو ما هجمش لسه سواء بعيد بس هو شايفني - [00:06:24](#)

وانا خايف ان هو يهجم علي بين صلاة الخوف هنصليها بطريقة معينة هنقولها كمان شوية طب لو هجم العدو بقى بفعلاً هنا كل واحد هينفرد في الصلاة ويصلي لوحده قال تعالى - [00:06:40](#)

وان خفتم فرجالاً او ركباناً ان خفتم فرجالاً او ركباناً تمام يعني ايه لو العدو هجم كل واحد هيصلي منفرد هيصلي وهو بيتحرك وبيقاتل ويبجري. تمام؟ وماسك سيفه او في دبابته او في طيارته باي شكل - [00:06:53](#)

هو هيصلي ازاى على الوضع دوت؟ هيصلي عادي جداً يصلي يقول الصلاة بلسانه. طبعاً استقبال القبلة خلاص هيسقط في الحالة ديت ويبداً يكبر ويقول الفاتحة ويقول سورة وهو شغال ويبجري - [00:07:13](#)

ويومئ بالركوع والسجود. يعني يومئ بالركوع ويسبح ويومئ بالسجود ويحاول يخلي السجود اخفض من الركوع ويسبح وفي الآخر هيقول التشهد ويسلم وتنتهي الصلاة وهو كل دوت بيتحرك ويبجري وبيقاتل. شف بقى اهمية الصلاة والحفاظ على الوقت - [00:07:26](#)

ربنا شرع ان واحد يصلي وهو يبجري بس اهم حاجة ما تسيبش ليه؟ ما تسيبش الصلاة. فالانسان يعاتب نفسه اذا كان ده في حال في قتاله ويبجري من عدو ولا ولا يبجري هنشوف من من قاطع طريق بيطارده - [00:07:45](#)

فما بالك بالقعدة في بيتها ما وراهاش اي حاجة. وقاعدة في مكانها والصلاة بعد الصلاة ما بتصلش. هيكون حسابك ايه عند ربنا؟ وانت بتضيعي الصلاة في بيتك وفي امان وفي راحة. اذا كان ربنا لم يأذن لمن هو في هذه الحالة ان يترك الصلاة. فكيف سيأذن لك يعني؟ تمام؟ اصل انا كنت تعبانة اصل كنت - [00:08:02](#)

انت نايمه اصل كنت يعني لا داعي ان احنا نختلق آآ اعزاز ومبررات وصلاة الخوف بتخرجنا فعلا المهم يعني آآ هنا بيقول الخوف من هجوم العدو ودي قلناها. دول او الهرب من عدو ان كان الهرب مباحا - [00:08:22](#)

طيب احنا قلنا الحالة الاولانية ان العدو امامي بس هو مش بيهجم هنقول الصلاة هتبقى عاملة ازاى الحالة الثانية العدو هجم وانا بدافع او بقاتل او انا هاجم عليه فعلا او انا اللي هجمت عليه فعلا بس حضرت الصلاة ولازم اصلي وما فيش طبعاً فرصة ان احنا نجتمع على صلاة جماعة ففي الحالة ديت هنصلي - [00:08:38](#)

اه كل واحد هيصلي منفرد وهو بيجري وهو بيقاقل. وحيقول اذكرك الصلاة كلها ويومئ بالركوع والسجود وبيتشهد ويسلم. وتخلص الصلاة الصالة طبعاً هتكون الرباعية ركعتين الفجر ركعتين وطبعاً المغرب مش بتقصر فهتكون ثلاث ركعات - [00:08:59](#)

تمام طيب ايه الهرم بقى دوت؟ هل يشرع انسان يصلي صلاة الخوف وهو بيهرب من عدو؟ يهرب اه بيقول اذا كان الهرم مباحا هو ينفع واحد يهرب من العدو؟ نعم ينفع - [00:09:20](#)

امتى ينفع واحد يهرب من العدو اه هنا بقى نقول اذا كان الانسان العدو فيه فرق كبير في القوة بينك وبين العدو ويغلب على زنك الهلاك لو ان انت سبت - [00:09:37](#)

يغلب على زنك لو ان ثبت يحصل هلاك للجيش بدون حتى نكاية في العدو انتم عارفين ان ربنا سبحانه وتعالى اه اذن للمؤمنين ان هم لهم ان هم يتركوا القتال اذا كان العدو اكثر من ضعف العدد. وده في سورة الانفال - [00:09:51](#)

قال الان خفف الله عنكم وعلم ان فيكم ضعفاً فليكن منكم مائة صابرة يغلب مائتين واياكم منكم الف يغلب الفين باذن الله والله مع الصابرين. يبقى ربنا قال ان ان مية يغلبه ميتين. معنى كده ان لو مية قصادهم ميتين لا يجوز الفرار ابداً - [00:10:10](#)

اذا كان العدو ضعف المؤمنين او اقل من ضعف المؤمنين فلا يجوز الفرار ابداً. بل يجب الثبات. لان ربنا قال ان مية يقدرها يواجهها ميتين عادي تمام يبقى دي الحالة الاولى ان العدو - [00:10:35](#)

ضعفنا او اقل من ضعف هنا يجب الثبات ولا يجوز الفرار باي حال من الاحوال وطبعاً هنا الكلام على اذا كانت الاسلحة واحدة. هو ممكن العدو يكون اقل من ضعفنا - [00:10:48](#)

بس احنا معنا اسلحة بدائية ومع اسلحة متطورة جداً لدرجة ان احنا برضو يغلب على زننا ان لو سبتنا قدامه هنهلك في هذه الحالة طبعاً لازم يراعى فرق التسليح فكلام الاية او كلام الفقهاء في العدد زاد مع ان التسليح واحد - [00:11:03](#)

اما اذا اختلفت الاسلحة والعتاد هيبقى لها حصة ساعتها بقى. تتحسب بما يعني يجتهد بقى الايه؟ القائد في الحالة ديت في حساب قوة العدو بالنسبة لقوته مع حساب فرق العتاد والتسليح ويقدر يحدد ساعتها هل احنا لو سبتنا هنهلك ولا لو سبتنا ممكن ننتصر - [00:11:22](#)

ساعتها مش هيبقى في بقى العدد مش هيعتبر. وانما هيعتبر ساعتها التسليح وطبعاً كل كلامنا على اعتبار ان العتاد والتسليح قريب. الاثنين قريبيين من بعض طب لو كان العدو اكثر من ضعف العدد؟ اكثر من ضعف عدد المؤمنين. هنا هينظر المؤمنين - [00:11:42](#)

بيقول لك اذا كان يغلب على زهم انهم يغلبون العدو لا يستحب لهم ان يثبتوا ولا يفروا زي يوم بدر يوم بدر كان المؤمنين تلتمية والايه؟ تلتمية واربعناشر والمشركون الف - [00:12:02](#)

رغم ذلك ثبتوا وانتصروا ليه غلبة على زهم انهم ينتصروا وكذلك يوم احد كان هم آآ سبعمائة وجيش المشركين تلت تلاف لكن غلب على زهم في اول النهار انهم سينتصروا. تمام؟ فافا اذا غلب على الزن ان احنا ماشي نعم العدو اكثر من الضعف. لكن واضح من - [00:12:18](#)

ناس الجنود ومن الطاقة ومن قوة الجنود اللي معي. ان احنا ان شاء الله ننتصر على عدوه. هنا يستحب لهم ان هم ايه؟ يستمروا في القتال ولا يفروا طيب لأ لو افترضنا ان غالب على الزن - [00:12:38](#)

ان العدو ينتصر علينا. بسبب فرق كبير في الايه فرق في عدد الجنود في فرق في اكثر من الضعف ويغلب على الزن ان احنا نهزم في هذه المعركة هنا لهم ان يفروا - [00:12:53](#)

لهم ان يفروا. وان كان بعض العلماء بيفصل بيقول ننزر اذا كانوا سيغلبوا لكن مع نكاية قوية في العدو فيستحب ان يسبتوا ولا يجب يعني ايه نكاية كبيرة في العدو؟ يعني - [00:13:07](#)

احنا مسلا الف والعدو عشرين الف يغلب على زنا ان هو لو العدو هجم علينا هيبتنا او لن يبقى منا الا القدير. قليل لكن يغلب على الزن ان احنا على ما يقتل منا مسلا آ خمسماية مسلا هنكون احنا قتلنا منه عشر تلاف - [00:13:29](#)

يعني ممكن على ما يقضي علينا يقضي على الف نكون احنا قضينا على اكثر من عشر تلاف هي شكلها الهزيمة بس في الحقيقة هي انتصار ان العدو بعد كده هيفخاف يواجه المؤمنين لو عددهم زاد شوية - [00:13:50](#)

ده شبه ايه يا جماعة شبه غزوة مؤتة غزوة موتى المسلمين كانوا تلت تلاف والروم كانوا متين الف رغم ذلك ثبتوا في اول النهار ان فعلا غلب على زنههم ان العدو - [00:14:05](#)

نعم قد ينتصر عليهم. بس هيعملوا فيه نكاية شديدة هيقتلوا منه عدد كبير جدا قبل ما يظهر على كده وفعلا في اول النهار قتلوا منهم عدد كبير جدا وبعد كده الفتوى تغيرت. اللي هي بقى الحالة الاخيرة - [00:14:19](#)

ان احنا بنقول ان يغلب على الزن ان العدد الكفار اللي هي الحالة الاخيرة اكثر من ضعف عدد المؤمنين ويغلب على الزن الان ان العدو ينتصر علينا يهلك المؤمنين بدون حتى ما المؤمنين يعملوا نكاية فيه - [00:14:34](#)

وده اللي حصل في اخر غزوة مؤتة لما خالد ابن الوليد رأى ان خلاص كده الجولة الجاية هتكون للروم بس وان احنا مش هنقدر نكمل كده للاخر وهتبقى تبدأ المهلكة في المؤمنين - [00:14:53](#)

ومش هنعرف نعمل نكاية في الروم زي اللي عملناها في اول النهار اتغيرت الفتوى بعد ما كانت القرار في الاول نسبت قرار خالد ان احنا لازم ننسحب الان هنا يجب العلماء يقولوا يجب الفرار - [00:15:07](#)

لان انت بتسبت على اساس ايه اولاً العدو انت غالب على ذلك ان هو هيعمل فيك نكاية شديدة او يببيدك. في نفس الوقت انت غالب على ذلك ان انت مش هتعمل فيه نكاية - [00:15:23](#)

فضلا عن انت تنتصر عليه. يبقى علامة سبات هنا يجب الفرار كده خالد مواليد لما فر في اخر غزوة مؤتة النبي عليه الصلاة والسلام اثنى عليه. لما رجع للمدينة وقدر ينجو بالمسلمين - [00:15:35](#)

الصحابة لاموه قالوا انتم الفرارون. فالنبي عليه الصلاة والسلام دافع عنه. قال بل انتم العكارون. العكار هو اللي بيفر لي كر. يعني انتم فريتوا لكي تحافظ على المؤمنين عشان تلاقي فرصة ثاني - [00:15:49](#)

تهجم على العدو بعد كده وسمرة الموضوع ده بانث يعني حتى ثبات المؤمنين في اول غزوة مؤتة كان كان له ثمرة كبيرة. انتم عارفين كانوا ثلاث تلاف فلما الروم ذاقوا الويلات من الثلاث الاف دول اه هم في الاخر ما انتصروش بس النكاية اللي عملوها علمت عند الروم واثرت عليهم - [00:16:03](#)

ولما النبي عليه الصلاة والسلام طالع بقى في غزوة تبوك. بتلاتين الف مقاتل. الروم ما جوش اصلا. يعني خافوا ان هم يواجهوا المؤمنين بقى له تلتلاف عملوا فينا كل ده. امال تلاتين الف - [00:16:26](#)

هيعملوا فينا ايه؟ عشان كده العلماء ايه؟ قالوا لو المسلمين اه فعلا يغلب على زنههم ان هم يهزموا لكن بعد نكاية شديدة في الكفار فلهم ان يشبتوا لكن لا يلزمهم ذلك - [00:16:38](#)

لكن عموما في جميع الحالات اللي العلماء ازنوا فيها بالفرار من العدو بسبب غلبة الظن بالهزيمة او اليقين بالهزيمة كمان خاصة مع عمل مع غلبة الظن ان لن يكون هناك نكاية مع الكافرين. هنا الفرار جائز - [00:16:50](#)

طالما الفرار جائز يبقى اذا يجوز الرخص فيه فيجوز صلاة الخوف في الفرار الجائز. فهتمم كل ده شرحته عشان تفهموا يعني ايه الهرب المباح لكن لو ان عدد الكفار مسلا - [00:17:10](#)

اقل من ضعف المؤمنين والمؤمنين فروا طبعاً مع مع ان التسليح قريب زي ما قلنا. والمؤمنين فروا؟ هل له من يصلي صلاة الخوف؟ لا اننا فرارهم حرام ان التسليح قريب وعدد الكفار اقل من الضعف - [00:17:26](#)

وبالتالي لو فروا فهذا فرار محرم لا تستباح بي به الرخص. تمام طيب بيقول ويدخل في العدو كل عدو ادنيا او سبعا يعني يعني هل الفرار بس ممكن لازم يكون من الكفار؟ لأ - [00:17:41](#)

افرض واحد خرج عليه وشخص يريد قتله وفر منه وقعد يجري والثاني بيجري وراه مش عايز يسيبه ابدا وقت الصلاة هيخرج هو لسه ما صلاش ولقى نفسه بيجري منه بقى له فترة طويلة. ويستخبى ويخبي بتاع - [00:18:00](#)

والموضوع طول والصلاة هيخرج له ان يصلي. طب ده هيصلي ازاى؟ هيصلي زي ايه؟ فان خفتهم فرجالا او ركباناً. هيصلي وهو بيجري والعلماء بيدخلوا فيها كمان الذي يفر من سبع او سيل - [00:18:17](#)

واحد طلع عليه اسد بيجري وراه. قعد فترة يجري وراه طب الصلاة ما عدا هيغفوت. ده يصلي صلاة الخوف يومئ بالركوع والسجود ويصلي ويقول الله اكبر ويقرأ الفاتحة وسورة وبعد كده يعمل كده يركع - [00:18:30](#)

سبحان ربي العظيم لو يرفع سمع الله لمن حمده وبعد كده اخفض شوية كالسجود ويرفع وينزل اخفض شوية للسجود ويرجع ثاني صلاة عادية خالص بس هو الفكرة فيها ان هو الذاكر بيقولها وهو واقف عادي او وهو بيجري طبعا - [00:18:44](#)

والركاء والسجود بالايما. ويخلي ايما الركوع نص نص وايما السجود اكثر شوية وبعد كده هيقول التشهد ويسلم كل ده وهو ايه وهو بيجري يقول لك مسلا وده وارد جدا وده شفهانه ان هو فيه فيضان حصل - [00:19:00](#)

او سيل كبير حصل واعصار الناس بتفر الساعات بقى بيغفروا بقى والبيوت بتتهدم والسلب يجري. طب هنصلي فين؟ هنصلي ازاى؟ ما فيش وقت نقف فده برضو يصلي صلاتي لي الخوف - [00:19:16](#)

فكل انواع الاله؟ الخوف ينفع يلقي الصائل الذي يريد اهله وماله والغريم الظالم يعني ايه الغريم الزالم؟ يعني واحد اه اه بيعتبروه غريم زالم اللي هو مين واحد عايز منك فلوس - [00:19:31](#)

بس انت فعلا فعلا معسر هو فضل لازق فيك. بيجري وراك وبيحاول بيحاول يمस्क. وكل شوية في كل مكان يجري وراك ويفضحك فانت اضطريت تفر منه. انت فعلا مفلس. وما عكش تدي له. وهو مش من حقه يطالبك. لان هو ادى لك قرض - [00:19:48](#)

وان كان ذو عسرة فنظرة الى ميسرة. فبيقول حتى لو افترضنا الصورة دي ان الغريم ده ظالم. هنا الغريم ظالم. لكن امتى يكون الغريم مش ظالم؟ لو انت معك وهو بيطاردك في كل مكان عشان ياخذ فلوسه ده عادي. لان انت معك وعارف ان انت معك. انت ساعتها اللي هتبقى زالم - [00:20:07](#)

لكن انت انت مفلس هو عارف ان انت مفلس هو بيطاردك اضطريت انت تفر منه فاضطريت انك تصلي حتى في حتى في دي العلماء يقولوا ينفع يصلي. صلاة الخوف لان هو مزلوم في الحالة ديت - [00:20:23](#)

بيقول دليل المشروعية من الكتاب الاية التي زكرناها في سورة النساء واذا كنت فيهم فاقمت لهم الصلاة الاية طيب وصلها رسول الله صلى الله عليه وسلم واجمع الصحابة على فعلها. سبت النبي عليه الصلاة والسلام صلاها كما سيأتي - [00:20:36](#)

شروط الصلاة. واحد ان يكون العدو ممن يحل قتاله. احنا قلنا القتال مباح قتال الكفار والبلغاة والمحاربين كما سبق وطبعا في السفر او في الحضر الشرط الثاني ان يخاف هجومه على المسلمين حال الصلاة. يعني يعني يكون فعلا ساعة الصلاة احنا اصلا خايفين من هجوم العدو - [00:20:54](#)

لكن لو افرض ساعة الصلاة اصلا اه هو فيه قتال شغال بس ساعة الصلاة كان فيه اطمئنان تام من هجوم العدو. لأ نصلي الصلاة عادي ربنا قال فاذا اطمأننتم فاقموا الصلاة. يعني اذا اطمئننتم ما فيش خوف - [00:21:17](#)

العجون العدو يهجم ساعة الصلا صلي الصلاة عادي بقى طيب المسألة الثانية كيفية صلاة الخوف. هنا بقى كل حاجة هتبان معنا قال جاءت صلاة الخوف على عدة صفات من الصفة الواردة عن النبي عليه الصلاة والسلام في حديث - [00:21:32](#)

سهل ابن ابي حثم الانصاري وهي اشبه بالصفة المذكورة في القرآن الكريم. وفيها احتياط للصلاة واحتياط للحرب وفيها نكاية بالعدو وقد فعل عليه الصلاة والسلام هذه الصلاة في غزوة ذات الرقاع - [00:21:50](#)

وصفتها ان طائفة صفت مع النبي صلى الله عليه وسلم وطائفة وجاه العدو فصلى بالتى معه ركعة ثم ثبت قائما واتموا لانفسهم ثم

انصرفوا وصفوا وجاه العدو وجاءت الطائفة الاخرى - 00:22:11

وصلى بهم الركعة التي بقيت من صلاته. ثم ثبت جالسا واتموا لانفسهم ثم سلم بهم نام عن هذا الحديث؟ طيب خيلنا الاول نتخيل

صورتين ان ان ده هو جاب حديث واحد بس هو في كذا صورة لصلاة - 00:22:28

الخوف هنقول دلوقتي الاحاديس بتاعتها كلها مع بعض. تمام اه الصورة الاولى وهي لو العدو اللي هو الصورة اللي ذكرها هنا عكس

اتجاه القبلة يعني العدو في عكس اتجاه القبلة. فلو لو صليت واستقبلت القبلة يبقى العدو في ضهري - 00:22:47

وهنصلها ازاى كده بص بقى هي دي الصفة اللي زكرت في حديث اه جاءت في حديث سهل وجاءت في حديث صالح بن خوات

وهي من اصح الروايات لنا رواية في الصحيحين يعني في البخاري ومسلم - 00:23:13

وهي موافقة للاية زي هشرح لك دلوقتي ليه الصفة دي اقرب صفة للاية بس فيه صفة تانية هنقولها كمان شوية وهي لو العدو بقى

في اتجاه القبلة هيصلوها ازاى؟ ركز - 00:23:32

الصفة الاولى لو العدو عكس اتجاه القبلة. يعني لو انا صليت يبقى العدو في ضهري. طب هنعمل ايه اول اول شئ لازم تفهم ان صلاة

الخوف بتبقى صفين. بس. يعني الامام بيعمل صفين - 00:23:47

الصف الاول الصف الثاني هي الصلاة بتبقى صفين بس مهما طال الصف بس هم في الاخر صفين طيب تخيل معي العدو في الظهر

بيحصل ايه؟ ركز بقى انا قرئت لك الحديث بس انا هشرحه لك دلوقتي - 00:24:02

اول حاجة اللي بيصلي مع الامام الصف الاول بس في اول الصلاة. الامام بيكبر الله اكبر ويبدأ في الصلاة طب الصف الثاني فين؟ ما

دخلش في الصلاة لسه الصف الثاني - 00:24:16

شايل الاسلحة بتاعته وباصص ناحية العدو وما دخلش في الصلاة لسة طب الصف الاول الصف الاول شايل الاسلحة برضه. بس دخل

في الصلاة الامام كبر ويكبر معه الصف الاول ويقرأ للفاتحة والسورة والكلام ده ثم يركع فيركع معه الصف الاول للصف الصف الثاني

ما دخلش - 00:24:30

ثم يسجد السجدين ثم يرفع طيب رفع للركعة الثانية يحصل ايه الامام؟ الامام يثبت يثبت ما يقراش اي حاجة وبعد كده الصف

الاول اللي هو صلى معه ركعة كاملة يصلي يكمل هو الصلاة. ينوي الانفراد الناس اللي في الصف الاول اللي صلوا معه ركعة كاملة -

00:24:54

ينو الانفراد ينفرد عن الامام ويكملوا الركعة الثانية لوحدهم ويتشهدوا ويسلموا. وبعد كده يقوموا يقفوا مكان الصف اللي كان واقف

تجاه العدو يقفوا مكان الصف اللي كان واقف اتجاه الياه؟ العدو - 00:25:18

والصف اللي كان واقف تجاه العدو يروح هو مكبر يرجع مكان الصف اللي كان يصلي ويكبر ويدخل مع الامام. يبقى هو دخل مع

الامام من ركعة لايه؟ الثانية لما الامام يسمع ان الصف ده دخل معه في الصلاة يبدأ في القراءة - 00:25:36

اقرأ الفاتحة وسورة وبعد كده يركع بهم ويرفع ويسجد ويتشهد ويسلم كده الامام صلاته تمت لكن الصف اللي دخل معه ده لسه

فاضل له ركعة هيروح الصف ده قايم ويجب ركعة كاملة ويتشهد - 00:25:54

ويسلم يبقى كده حصل عدل ما بين الاثنين. كل طائفة صلت مع الامام ركعة كاملة. وفي وكل واحدة وقفت ادام امام العدو ركعة

كاملة فهمتم الفكرة فده اصح ما ورد في آا صفة صلاة الخوف. لان هذا الحديث في البخاري ومسلم. لكن هذه الصفة اصلا بتفترض ان

العدو عكس اتجاه القبلة - 00:26:13

ودي دي الشبهة بالاية لان الاية بتقول ايه؟ واذا كنت فيهم فاقمت لهم الصلاة فلتقم ايه؟ طائفة منهم معك وليأخذوا اسلحتهم اللي

هم الصف الاول اللي قلناه فاذا سجدوا وانتم هم ساجدين فليكونوا من ورائكم - 00:26:39

العدو ورايا اصلا عدو في ضهري طيب خلصنا احنا ركعة مع الامام كمل انت صلاتك والطائفة الثانية تخش تمام؟ فليكنوا ورائكم.

ولتأتي طائفة لم يصلوا اللي هم الصف الثاني. فليصلوا معك. يصلوا الركعة الثانية. وليأخذوا حذرهم واسلحتهم - 00:26:54

فهنا الفكرة عشان كده بيقولوا ان الحديث ده اوفق حديث مع الاية طيب دي الصفة ليه دي الصفة الاولى تمام؟ الصفة الثانية بقى

لو العدو في اتجاه القبلة هو العدو فين - 00:27:13

في اتجاه القبلة. يعني العدو قدامي هنصليها ازاى الصلاة دي فيها حديس ثاني عن جابر رضي الله عنه وارضاه. وهي في صحيح مسلم في صحيح مسلم. انا هقرأ الرواية واحاولوا تكتبوها كويس - 00:27:29

او تقراه في التفريغ وبعد كده هشرحها لان انا ممكن اقرأها ما تفهمهاش لاول مرة وبعد كده المشرحة تفهمها عن جابر رضي الله عن ابن عبد الله رضي الله عنهما قال شهدت مع رسول الله صلى الله عليه وسلم صلاة الخوف - 00:27:42

فصفنا صفين. احنا قلنا صلاة الخوف دايم ايه؟ هم صفين بس صف خلف رسول الله صلى الله عليه وسلم والعدو بيننا وبين القبلة. العدو بيننا وبين القبلة. يعني العدو قدامنا - 00:27:58

فكبر النبي صلى الله عليه وسلم وكبرنا جميعا يعني الصفين الصفين كبروا جميعا ثم ركع وركعنا جميعا. حلو ثم رفع رأسه من الركوع ورفعنا جميعا ثم انحدر بالسجود والصف الذي يليه يعني الاول فقط - 00:28:14

وقام الصف المؤخر في نحر العدو يعني لم يسجدوا فلما قضى النبي صلى الله عليه وسلم السجود وقام الصف الذي يليه اللي هم سجدوا معه انحدر الصف المؤخر بالسجود وقاموا - 00:28:32

ثم تقدم الصف المؤخر وتأخر الصف المقدم ثم ركع النبي صلى الله عليه وسلم وركعنا جميعا. ثم رفع رأسه من الركوع ورفعنا جميعا. ثم انحدر بالسجود والصف الذي يليه. الذي كان - 00:28:50

مؤخرا في الركعة الاولى وقام الصف المؤخر في نحور العدو فلما قضى النبي صلى الله عليه وسلم السجود والصف الذي يليه انحدر الصف المؤخر بالسجود فسجدوا ثم سلم النبي صلى الله عليه وسلم وسلمنا جميعا - 00:29:04

هذا حديث جابر في صحيح مسلم وآ غالب الظن انكم لم تفهموا جيدا فصلوا على النبي عليه الصلاة والسلام وانا اشرح لكم الموقف. تعال نتخيل هي الصفة عاملة ازاى احنا دلوقتي قلنا - 00:29:23

ان العدو فين قدامنا هنا دي هتختلف عن الصورة الاولى لعدو كان في ظهرنا. الصورة دي عاملة ازاى؟ الصورة ديت ان احنا هنقف الاول الامام واقف ومعه وراءه صفين واقفين. واقفين عادي والصفين دخلوا في الصلاة من الاول. من اول الصلاة دخلوا لان كده كده العدو قدامنا - 00:29:37

فاحنا واقفين كده كده في الصلاة ومعنا الاسلحة بتاعتنا شايلين شايلين الاسلحة بتاعتنا عادي والعدو احنا شايفينه الفكرة ان احنا نشوفه كان لو قرر يهجم يبقى في حد يلحق ولو هجموا واحنا بنصلي كده كده هنكمل الصلاة ايه - 00:29:57

رجالا او ركبانا طيب كبر الامام هنكبر كلنا معه. كلنا عنينا على العدو احنا معه ركع مش مشكلة احنا معه رفع من ركوع كلنا رفعنا من الركوع. سجد لا هنا بقى بيتدي يحصل ايه الفرق - 00:30:12

لما يسجد الامام مين اللي هيسجد معه هيسجد معه الصف الاول بس تمام؟ والصف الثاني واقف تجاه العدو بياخذ حزره من العدو تمام؟ طيب سجدوا السجدين وقاموا بعد ما يقوموا بعد السجدة يسجدوا السجدين مع الامام ويقوموا - 00:30:31

الامام ايه؟ يثبت شوية الصف المؤخر اللي هو ما سجدش ينزل يسجد السجدين ويقف بعد ما يقف يحصل ايه؟ يحصل تبادل للصفوف. تبادل للصفوف الصف الثاني يطلع مكان الصف الاول. والصف الاول يرجع بظهره عشان يبقى هو الصف الثاني - 00:30:54

بيحصل تخلخل كده والصف الثاني يتقدم يبقى هو الاول والصف الاول يرجع يبقى هو الثاني اول ما تستقر الصفوف يبدأ الامام في القراءة للركعة الثانية يقرأ وبعد كده هم كلهم معه. دلوقتي كلهم جابوا ركعة كاملة وكلهم دلوقتي معه. بس الصف الثاني صار هو الاول والاول صار هو الثاني. عشان يتم العدل - 00:31:17

يركع هيركعوا كلهم معه يرفع يرفعوا كلهم معه. يسجد هيسجد الصف اللي وراه اللي هو كان الثاني دلوقتي بقى الاول والصف الثاني اللي هو كان الاول واقف ورا مش هيسجد - 00:31:45

يسجد الامام سجدين ويقعد للتشهد. ويقعد الصف اللي وراه للتشهد. ساعتها يروح على طول الصف المؤخر ينزل يجيب السجدين ويقعد معهم للتشهد وبعد كده يسلم الامام ويسلمه جميعا فهتمم الفكرة؟ شفتهم الصلاة يعني خطيرة جدا. ورائعة جدا الصراحة.

والهدف منها النكاية في العدو. العدو يتقهر - 00:32:01

يبقى كان مدي نفسه امل ان هو يهجم على المسلمين في الصلاة فيتقهر لما يشوف الصفة دي اللي تخوفه ان هو يهجم على ليه على المسلمين. تمام؟ وشوفوا العدل يعني شف العدل في آآ بين المسلمين في الصلاة عشان كل واحد ياخذ حقه في الصف الاول -

00:32:26

وكان المفروض المسلمين يتنافسوا على الصف الاول. وابقى انا زعلان انا ليه قعدت طول الليل اشمنى انا ابقى في الصف الثاني وهو

في الصف الاول؟ فعلشان يعني مراعاة لقلب المشتاقين الى الصف الاول - 00:32:42

اول السابقين آآ تم العدل. فشوف انت بتهمل الصف الاول وبتهمل صلاة الجماعة كلها. والله صلاة الخبز خلينا نستحي من نفسنا في

مسألة وجوب صلاة الجماعة ومسألة استحباب الصف الاول - 00:32:52

كمان المهم في صفة ثانية وردت في بعض الروايات ان الامام ودي اسهل يعني يمكن اسهل من كل دوت ينفع في الحالتين حالة العدو

عكس اتجاه القبلة او في اتجاه القبلة - 00:33:04

ويا ان الامام يصلي الصلاة مرتين مرة يصلي بنص الجيش صالة كاملة. ركعتين كاملين بنص الجيش فقط ثم نص الجيش ده يروح

للحراسة وييجي نص الجيش الثاني يصلي بهم ركعتين ثاني كاملين - 00:33:23

بس الصلاة الثانية هتبقى للامام نافلة. وبالنسبة للصف اللي معه فريضة طبعاً فدي صورة ان هو يصلي بدون صلاة كاملة ويصلي بدون

ايه؟ صلاة كاملة وخلاص. دي احد السور. ودي تنفع في الحالتين. دي تنفع في الحالتين - 00:33:42

تمام فلو طب افرض بقى اساء الصلاة حصل هجوم هنا بقى ايه زي ما ربنا قال فان خفتم فارجان او ركبنا. حصل هجوم كله

هينفرد عن الامام فكله هيكمل صلاته - 00:33:58

كما يعني يتيسر له لو هو بقى على فرس لو هو على رجليه لو هو في دبابه لو هو في طيارة هيبتدي يقرأ آآ قرآن الفاتحة والسورة

ويومئ بالركوع ويرفع ويومئ بالسجود ويرفع وهو بيقاتل وبيحارب ويضرب صواريخ - 00:34:17

ويمسك سيف كما يتيسر له وكل شيء يعني يحصل تسهيل في الصلاة تماماً له علشان لازم يحافظ على الايه؟ على الصلاة فمن

الصفات صلاة الخوف ده تقريبا ده يعني ايه اشهر ما ما يعني نحتاج ان نقوله في صلاة الخوف - 00:34:35

فطبعاً ممكن واحد يقول الجيوش الحديثة صعب جداً ان احنا نعمل جيوش صفين مسلاً العلماء بيقلوا اذا كان الجيش ضخم كيف

تصلي صلاة الخوف قالوا تصلى على مستوى السرايا لو احتجنا طبعاً ان احياناً طبعاً صفة الحروب الحديثة ما فيهاش المواجهة اللي

بتبقى جيش قدامه جيش على مرأى منه طبعاً الصورة مش قوي كده - 00:34:55

لكن اذا حصل لنفس الصفة هتصلى بس افرض الجيش ضخم ولا يمكن ان هو يتلم في صفين. يقال تصلى على مستوى السرايا. يعني

كل سارية بتعمل الصفة ديت. ولكن على مستوى السرايا مش على مستوى الجيش كله - 00:35:19

فاذا كانت صفة الحرب اصلاً لا تسمح بهذه الصورة اصلاً فتصلى حسب الامكان. ونحاول نقترّب من الصورة دي قدر المستطاع او اذا

كان الامر ليس فيه سعة الا ان ان هي ان نصلي رجالاً او ركبنا ان الحرب طبعاً مشتتة وما فيش احتمال ان احنا - 00:35:34

نقتطع وقت للصلاة فتصلى كما قال الله تعالى فان خفتم فرجالاً او ركبنا. عموماً ان احنا بنحاول نقترّب من الصلاة دي قدر المستطاع

ولو على مستوى السرايا فاذا تيسرت فاذا كان للحرب شديدة ولا يمكن ان الجنود تتوقف عن المعركة فيصلّى كما قال الله تعالى فان

خفتم فرجالاً او ركبنا - 00:35:55

تمام كده خلص معنا صلاة الخوف ننتقل الى صلاة العيدين. الباب الثاني عشر في صلاة العيدين العيدين. قال والعيذان هما عيد

الاضحى وعيد الفطر تمام وكلاهما له مناسبة شرعية عيد الفطر بمناسبة انتهاء المسلمين من صيام شهر رمضان - 00:36:15

الاضحى بمناسبة اختتام عشر ذي الحجة. وسمي عيداً لانه يعود. ويتكرر في وقته تمام وطبعاً هذه اعياد المسلمين عيد الفطر وعيد

الاضحى. وعيد الاسبوعي هو عيد يوم الايه؟ الجمعة. وليه خصيصاً لصلاة الجمعة؟ والنبي عليه الصلاة والسلام لما دخل المدينة -

00:36:36

وجد يعني وجدهم يلعبون في يومين. فسألهم ايه اليومين دول؟ فكانت ايام من ايام الجاهلية فمنعهم من ذلك. قال ان الله ابدلكما. ابدلكما خيرا منهما. يوم الفطر ويوم الاضحى فاحنا ما عندناش في المسلمين ما عندناش اعياد - [00:36:55](#)

الا الفطر والاضحى والجمعة من كل اسبوع فقط. فمن شرع على المسلمين عيدا فقد يعنيه ادخل في دين الله ما ليس منه المسألة الاولى حكم صلاة العيد صلاة العيد فرض كفاية - [00:37:12](#)

اذا قام بها البعض سقط الاثم عن الباقيين واذا تركت من الكل اثم الجميع. لانها من شعائر الاسلام الظاهرة. ولانه صلى الله عليه وسلم داوم عليها. وكذلك اصحابه من بعده - [00:37:29](#)

وقد امر النبي صلى الله عليه وسلم بها حتى النساء الا انه امر الحيض جمع حائض باعتزال المصلى وهذا مما يدل على اهميتها وعظيم فضلها لانه اذا امر بها النساء. مع انهن لسن من اهل الاجتماع فالرجال من باب اولى. ومن اهل العلم - [00:37:42](#)

ان يقوي كونها فرض عين. طيب خلينا نناقش المسألة بالراحة وهنا اختار القول بانها فرض كفاية طيب القول بانه فرض كفاية هو مذهب الحنابلة خلافا للجمهور الجمهور الشافعية والمالكية بل وفي قول ثاني عند الحنابلة انها سنة مؤكدة - [00:38:01](#)

سنة مؤكدة وعند الاحناف هي فرض كفاية يبقى عندنا الاحناف يقولوا فرض كفاية الشافعية والمالكية يقولوا سنة مؤكدة الحنابلة عندهم قولين في المذهب قول ان هي فرض كفاية وقول النية سنة مؤكدة - [00:38:27](#)

يبقى كده قول الجمهور القول الاكثر يعني وناس مؤكدة واضعف الاقوال انها فرض عين اضعف الاقوال والامام النووي والله تعالى اعلم نقل اجماع على ان صلاة العيد ليست فرض عين - [00:38:49](#)

يبقى اذا احنا بنناقش قولين دلوقتي قول انها فرض كفاية القول انها ايه؟ سنة مؤكدة النزاع سببه ايه بين بين القولين الدالة اول حاجة هو جابها دليل قال اولاً لان النبي عليه الصلاة والسلام داوم عليها - [00:39:05](#)

وده مش دليل كافي لان مداومة النبي عليه الصلاة والسلام على فعل ما ليس دليل على وجوب الفعل. يعني مش ضروري يبقى الفعل ده واجب. قد يكون داوم على مستحب. يبقى لغاية دلوقتي ما فيش دليل قوي. بس الدليل القوي بقى هو اللي جاي - [00:39:24](#)

قال وقد امر النبي صلى الله عليه وسلم بها حتى النساء هنا بيشير الى حديث ايه؟ حديث ام عطية. حديث ام عطية رضي الله عنها قالت قالت امرنا رسول الله صلى الله عليه وسلم - [00:39:40](#)

ان نخرج ان نخرج ونخرج الحيض والعواتق وذوات الخدور فاما الحيض فيشهدن جماعة المسلمين ودعوتهم ودعوتهم ويعتزلن مصلاهم ام عطية بتقول النبي عليه الصلاة والسلام في صلاة العيد امرنا نخرج كل النساء - [00:39:56](#)

الكبيرة والصغيرة واللي ما بتخرجش من بيتها ابدان ذوات الخدور يعني اللي هي عايشة في بيتها ما بتطلعش يعني الا نادر جدا في خدرها برضو دي نطلعها. امرنا بكده امرنا بكده - [00:40:23](#)

بل امرنا نطلع الحيض. الحائض اللي هي اصلا ما ينفعش تصلي طب هي هتعمل ايه في صلاة العيد؟ قال يشهدن جماعة المسلمين ويعملوا ايه في الصلاة؟ هيقعدوا على اطراف المصلى. مش هيخشوا وسط المصلين عشان ما يقطعوش الايه؟ الصفوف. لانهم مش هيصلا - [00:40:39](#)

تمام؟ وطبعاً ينفع يبقوا موجودين لان ده مش مسجد. واحد يقول لك هو ينفع الحلقة تخش المسجد. ما احنا مش بنصلي في المسجد اصلا. بنصلي في في الخلاء. والخلاء ينفع الحائط تبقى موجودة في الخلاء - [00:40:53](#)

حتى لو فيه صلاة. لان دوت مش مسجد. هي الحائض ممنوعة من مكث في المسجد. واحنا من الاصل ان احنا مش هنصلي العيد في المسجد. لكن اذا كانت العيد صلوه في مسجد ما ينفعش الحائط تدخل المسجد وتمكث فيه. آآ ممكن تبقى برة المسجد بس تشهد جماعات المسلمين - [00:41:03](#)

الفكرة في حديث ام عطية ان هي بتقول امرنا امرنا تمام طب ما الامر ده يحتمل الاحتمالين دايم الامر بيكون اما الوجوب او للاستحباب فلو قلنا للوجوب يبقى ده يقوي القول بان صلاة العيد فرض ايه؟ كفاية - [00:41:20](#)

ولو قلنا للاستحباب يبقى برده لسه ما فيش دليل قوي على ان هي فرض كفاية طيب خلينا نكمل في ادلة فرض الكفاية حديث ابي

بكر قال قال عليه الصلاة والسلام حق على كل ذات نطاق يعني كل امرأة الخروج للعيدين - [00:41:39](#)

حق على كل ذات نطاق الخروج للعيدين وهذا الحديث صححه الامام الاباني رحمة الله عليه حق برضو كلمة حق تحتل معنيين حق يعني واجب وحق يعني متأكد شيء متأكد. فبرضه احنا ما زلنا - [00:41:57](#)

الدلة تحتل ولها قوة بس مش حاسمة في المسألة طب الجمهور بقى اللي قالوا سنة مؤكدة قالوا ليه سنة مؤكدة الكلام ده قلناه في اول كتاب الصلاة وقلنا افترك الحديث ده كويس - [00:42:18](#)

حديث الاعرابي الذي جعل النبي عليه الصلاة والسلام وقال يا رسول الله ما افترض الله علي من الصلاة قال خمس صلوات في اليوم واليلة قال هل علي غيرهن؟ قال لا - [00:42:33](#)

الا ان تطوع شيئا قلنا افترك الحديث ده ان ده عمدة في من الدلة هينفعنا في ابواب كتير زي صلاة العيدين الراجل قال له علي حاجة ثاني؟ قال له لا - [00:42:48](#)

طب لو هو صلاة العيد فرض كفاية؟ واكيد الراجل ده هيعدي عليه اعياد ما قلوش ليه على صلاة العيد. فالجمهور بيقولوا ما قالوش طالما ما قالوش على صلاة العيد. يبقى هي مش فرض لك فرض كفاية ولا فرض عين - [00:43:01](#)

ان الاعرابي ده هيمشي مش هيجي ثاني. فكان لازم يقول له لو هي فرض كان لازم يقول له مش هينفع يسيبه في حاجة هو سأل صريح قال له في حاجة ثاني؟ قال له لا - [00:43:16](#)

ده دليل ان هي مش فرض كفاء ولا فرض عين طب بيرد بايه بقى الجمهور على ادلة اللي قاله فرض كفاية قالوا اولاً الحديث ده مع قول ام عطية امرنا - [00:43:27](#)

يخلينا نحمل كلمة امرنا على الاستحباب ان احنا قلنا ايه في قاعدة بتقول ان امر النبي عليه الصلاة والسلام الاصل انه واجب الاصل في امر النبي عليه الصلاة والسلام انه يفيد الايه؟ الوجوب - [00:43:41](#)

ولا ينتقل الوجوب ده الى الاستحباب الا بدليل اخر. يعني لازم دليل ثاني يخليني اقول ان الامر ده للاستحباب مش للوجوب فلو هي بس ام عطية قالت امرنا كان زمان الموضوع واجب فعلاً - [00:43:57](#)

بس لما جبنا حديث الاعرابي ولقيناه قال له لا ما علکش حاجة الا الصلوات الخمسة ونحطه جنب قول ام عطية امرنا. دي القرينة. او ده الدليل الثاني اللي يخلينا نحمل - [00:44:11](#)

قول ام عطية امرنا على الاستحباب عشان تجتمع الدلة ما يبقاش في ما بينها تناقض. ودي طريقة الجمع بين الدلة المتعارضة ان سائل ان انا اجمع بين الدلة ازاى قال امرنا وازاي ما امرش الاعرابي نقول يبقى الامر للاستحباب. عشان كده ما امرش به الاعرابي. عشان الاعرابي سأل على الفرض بس - [00:44:23](#)

طيب هيقول ايه الجمهور في في حديث ابي بكر حق على كل ذات نطاق الخروج لعيدين هيقولوا الحق هنا معناه شيء متأكد مش الحق يعني الواجب لان هي الحق ايه كلمة تحتل - [00:44:43](#)

الجمهور الصراحة قوله اوجه في المسألة ديت انا اميل الى قول الجمهور خلافا للحنبلة تمام؟ ان صلاة العيدين سنة مؤكدة. سنة مؤكدة. لكن طبعا تقدير لان فيه قول قوي ان هي فرض كفاية. فالانسان يحاول ان يحرص - [00:44:55](#)

على ان ينال الاجر دوت ويحاول قدر المستطاع الا يتخلف ابدًا عن صلاة صلاة العيدين تمام؟ وطبعا النساء تخرج ويستحب للنساء ان هي تخرج لكن يخرجوا بدون تزيين وتعطر كما تفعل كثير من النساء في صلاة العيد - [00:45:14](#)

ادي مأساة بتتعتمد التزيين في صلاة العيد ماذا يعني يعني مخالف تماما النبي عليه الصلاة والسلام قال وليخرجنهن تفيلات يعني ايه تفيلات يعني غير متزيينات نطلع بحشمة واحترام ولبس واسع وبدون ميك اب - [00:45:34](#)

وقار في الكلام والمشية والا تمنع من الخروج اذا رأى ولي الامر ان البنت هتنزل او زوجته هتنزل متبرجة في صلاة العيد فله ان يمنعها اما اذا كانت ملتزمة جدا بسيابها وحجابها وادبها وحياءها - [00:45:51](#)

فالسنة ان هو يتركها ولا يمنعها قال المسألة الثانية شروط صلاة العيدين. من اهم شروطها دخول الوقت. هنقول الوقت امتى ووجود

العدد المعتبر ان يبقى فيه عدد. يعني على الاقل ثلاثة كما سيأتي - [00:46:11](#)

والاستيطان يعني ايه الاستيطان؟ يعني نكون ان احنا مقيمين في بلد في قرية حاجة مستقرة لكن مسلا لا تشرع صلاة العيدين للبدو المرتحلين. بدو كل يومين بيتنقلوا بخيمتهم باغنامهم. يعني غير مستوطنين ليس لهم وطن - [00:46:26](#)

وانما هم في حالة تنقل دائم. فدل لا لا يشرع لهم صلاة عيد وانما لابد من الايه من الاستيطان. فلا تجوز قبل وقتها هنشوف وقتها دلوقتي. ولا تجوز في اقل من ثلاثة اشخاص لازم على الاقل ثلاثة اشخاص - [00:46:44](#)

ولا تجب على المسافرين غير المستوطن المسألة الثالثة المواضع التي تصلى فيها فين؟ قال يسن ان تصلى في الصحراء خارج البنيان.

ده الاصل احنا نحاول نصلي صلاة العيد بعيد عن البنيان في اقرب يعني او مكان خالي واسع - [00:47:00](#)

بعيد عن البنيان ليس في المسجد ليس من السنة ان تصلى صلاة العيد في المسجد. الا لو لو يعني لا يوجد الا ذلك يعني مش قادرين نطلع للصحراء ولا الى الخلاء - [00:47:21](#)

والشوارع والمكان اللي احنا فيه مكان مزدحم جدا بالمساكن والشوارع ضيقة جدا وليس لا يوجد الا مسجد واسع. خلاص الناس

هتصلي في المسجد. آ لا يوجد الا ذلك اما يعني ما امكن يطبقوا السنة - [00:47:34](#)

الكمال في السنة ان احنا نخرج خارج حدود البنيان اصلا ونبحس عن مكان متسع يسع الناس ونصليها صلاة نحاول ان احنا نوحده الصلاة على قدر ما نستطيع تمام؟ ما تبقاش الصلوات كتير على قد ما نقدر نجمع الصلوات في صلاة واحدة او اثنين او ثلاثة بس يعني

نقل العدد وعدد الصلوات ونكثر عدد - [00:47:50](#)

المصلين قدر المستطاع طيب لأ صعب نطلع برة البنيان هنروح فين يبقى نحاول نجد مكان فيه خلاء كبير حتى لو يعني قريب من

البنيان او وسط البنيان بس يكون مكان واسع طرق واسعة او ارض واسعة فضاء او ملعب - [00:48:13](#)

زي ما الناس بتعمل احيانا او ميدان كبير واسع جدا نجمع فيه الناس ونصلي فيه. واتقوا الله ما استطعتم لكن لو وصلنا للصورة ان ما

فيش مكان ويسع الناس ابدأ. شوارع ضيقة. البيوت كثيرة المساكن كثيرة. الموضوع مخنوق. وفيه مسجد كبير - [00:48:32](#)

سيسعى الناس خلاص هيصلا في المسجد. وده المتاح بالنسبة لهم. لكن الاصل يعني نحاول نطبق السنة قال كان النبي صلى الله عليه وسلم يخرج في الفطر والاضحى الى المصلى ولا حزن هنا انه النبي عليه الصلاة والسلام هم ليه بيأكدوا انه صلى بيقولوا ده النبي

عليه الصلاة والسلام ساب مسجده وراح المصلى - [00:48:51](#)

ومسجد النبي عليه الصلاة والسلام معلوم ان الصلاة فيه بكم؟ بالف صلاة. رغم ذلك تركه وراح المصلى. فدل ذلك على استحباب ان

احنا نترك المساجد ونروح للمصليات الايه الواسعة الا اذا زي ما قلنا تعذر الا المسجد - [00:49:09](#)

قال ليه بقى الهدف من كده؟ قال اظهار الشعيرة ما نبقاش مستخبيين جوة مسجد عايزين كل الناس تشوف الشعيرة وابرازها.

ويجوز صلاتها في المسجد الجامع اذا هناك عزز زي ما قلنا اعزاز زي اللي قلناه. او يكون اليوم ده ما قدرناش نطلع للخلاء عشان فيه

مطر شديد او ريح شديدة. لا بأس - [00:49:23](#)

طيب والمسألة الرابعة وقت صلاة العيدين قال ووقتها كصلاة الضحى زي صلاة الضحى بعد ما الشمس ترتفع قدر الرمح. يعني بعد

شروق الشمس بحوالي ثلث ساعة ومعنا الى وقت الزوال - [00:49:43](#)

يعني قبل صلاة الظهر بخمس دقائق لانه صلى الله عليه وسلم وخلفائه كانوا يصلونها بعد ارتفاع الشمس. ولان ما قبل ارتفاع

الشمس وقت نهى ويسن تعجيل الاضحى في اول وقتها وتأخير الفطر - [00:50:03](#)

يعني يوصلنا ان احنا نعجل صلاة عيد الاضحى بسرعة اول ما يأتي وقتنا نخش فيها على طول والفطر نأخرها شوية ليه؟ لان الفطر

يبقى الناس عايزين يطلعوا زكاة الفطر الامام بيتأخر شوية يمكن يكون في ناس لسه ما طلعو زكاة الفطر - [00:50:19](#)

فعلشان يلحقوا يطلعوا زكاة الفطر. فيتأخر قليلا عن الصلاة كان في صلاة الاضحى الناس مستعجلة على ان هي تدبح. ما ينفعش

يدبح الاضحية قبل الصلاة فلازم بعد الصلاة عشان تبقى اضحية - [00:50:35](#)

الامام بيعجل بالصلاة عشان الناس تلحق تدبح الاضحية وتأكّل منها وتفطر عليها قال لفعله صلى الله عليه وسلم ولان الناس في حاجة

الى تعجيل الاضاحي لذبح الاضحى لذبح الاضاحي وهم في حاجة الى امتداد وقت صلاة الفطر ليتسع لاداء زكاة الفطر - [00:50:49](#)

على المسألة الخامسة صفتها وما يقرأ فيها قال وصفة صلاة العيدين. ركعتان قبل الخطبة صلاة العيد تمام؟ يبقى الصلاة الاول وبعد كده الخطبة تمام عكس صلاة الجمعة. صلاة الجمعة الخطبة الاول ثم الصلاة - [00:51:06](#)

العيد لا الصلاة الاول سم الخطبة قال ركعتان قبل الخطبة وطبعا لا يشرع لصلاة العيد لا اذان ولا اقامة ولا حتى قول الصلاة جامعة ليه؟ قالوا لان العيد اشهر من ان يدعى اليه. ما فيش حد محتاج حد يازن العيد. ده العيد - [00:51:23](#)

الناس لسه طالعين من من رمضان ومستنيين يوم العيد ده بيحسبوا له او طالعين من العشر وشارين الاضاحي وعارفين حيدبح امتي. فهل تحتاج صلاة العيد الى اعلان؟ دا هي اشهر من ان يعلن عنها. ولذلك لم يشرع لها لا اذان ولا اقامة - [00:51:41](#)

قام ولا حتى قول الصلاة جامعة في الشوارع مستنية صلاة العيد فيقول قال عمر رضي الله عنه وارضاه صلاة الفطر والاضحى. ركعتان ركعتان تمام غير قصر يعني هي دي صفتها. مش مش كانت رباعية وخسرت هي دي صفتها. تمام غير قصر - [00:51:56](#)

على لسان نبيكم وقد خاب من افتراه قال يكبر في الاولى بعد تكبيرة الاحرام والاستفتاح وقبل التعوذ ستا وفي الثانية قبل القراءة خمسا غير تكبيرة القيام. لحديث عائشة مرفوعا قال التكبير في الفطر والاضحى في الاولى سبع تكبيرات. وفي الثانية - [00:52:14](#)

خمس تكبيرات سوى تكبيري الركوع. طيب هنا بقى المسألة عشان مسألة خطيرة هي كم عدد التكبيرات في الركعة الاولى والركعة الثانية مذهب الحنابلة ان هو الاولى تكبيرة الاحرام وست تكبيرات يبقوا كم؟ يبقوا سبعة - [00:52:38](#)

الركعة الثانية خمس تكبيرات غير التكبيرة اللي انت طلعت منها طلعت بها من الركعة الاولى اللي هي تكبيرة الانتقال ديت. الله اكبر وافنى. لأ دي مش بتتحتسب انما بيتحتسب خمس تكبيرات تانية غير التكبيرة اللي انت قلت بها من السجدة الثانية في الركعة الاولى الى القيام - [00:52:59](#)

لكن في الركعة الاولى تكبيرة الاحرام بتتحتسب من السبعة ليه باكد على الكلام دوت؟ لان عند الشافعية الركعة الاولى تمن تكبيرات يعتبروا ان هم سبعة غير تكبيرة الاحرام يقولوا لا هم سبعة في الحديث سبعة ومش محسوب فيهم تكبيرة الاحرام - [00:53:22](#)

متفقين في ان الركعة الثانية فيها خمسة مش بيحسبوا تكبيرة القيام من الركعة الاولى طب ليه الخلاف ده حصل ما بين اللي قالوا ثمانية واللي قالوا سبعة. الحديث بيقول ايه؟ التكبير - [00:53:42](#)

الفطر والاضحى في الاولى سبع تكبيرات. وهنا السؤال هل النبي عليه الصلاة والسلام يقصد سبع تكبيرات شاملة. تكبيرة الاحرام ولا غير تكبيرة الاحرام؟ فاللي قال زي الحنابلة شاملة تكبيرة الاحرام قال هم سبعة - [00:53:55](#)

تكبيرة الاحرام وستة واللي قال لأ غير شاملة لتكبيرة الاحرام يبقوا ثمانية تكبيرة الاحرام وسبعة زي الشافيف. طيب ايه دليل الحنابلة؟ الحنابلة قالوا ان النبي عليه الصلاة والسلام لما قال في الاولى سبع تكبيرات ما قالش سوى تكبيرة الاحرام - [00:54:07](#)

حرام زي ما قال في الركعة الثانية. لما قال وفي الثانية خمس تكبيرات سوى تكبيرة الركوع. فهو لم يستسني في الركعة الاولى فلو كانت تكبيرة الاحرام مش محسوبة كان هيقول زي ما قال في الثانية سوى تكبيرة الركوع كان هيقول سبع تكبيرات سوء تكبيرة الاحرام. طب هو ما قالش سوء تكبيرة الاحرام؟ يبقى اذا تكبيرة الاحرام - [00:54:23](#)

داخله معنا وهذا هو الاقرب والله تعالى اعلم والمسألة فيها خلاف سائغ طيب بيقول بعد كده ويرفع يديه مع كل تكبيرة. لان النبي صلى الله عليه وسلم كان يرفع يديه مع التكبير. خد بالك بقى - [00:54:41](#)

هذه مسألة فيها خلاف بين العلماء هل الانسان يرفع يديه مع كل تكبيرة في صلاة العيد ام لا؟ ونفس الخلاف ده هنلاقيه في صلاة الجنازة طيب هنا بيقول يرفع يديه. طب هو آآ استدل بابه - [00:54:53](#)

استدل بحديث كان النبي صلى الله عليه وسلم يرفع يديه مع التكبير. خد بالك ما قالش مع تكبيرات العيد مع التجميل لان الحديث ده اصلا ما كانش في صلاة العيد. انما ده حديث عام كان في الصلاة - [00:55:07](#)

العلماء هنا اختلفوا قالوا هو الحديث ده ينفع ويستدل به في صلاة العيد الحديث ده بعض العلماء قال لا المقصود بالحديث ده كان يرفع يديه عند التكبير في الصلاة العادية. مش في صلاة العيد - [00:55:20](#)

ففي ناس قالوا خلاص هو نص عام اللي نفع في الصلاة العادية نحمله برضو على صلاة العيد والبعض قال لا الاصل ان احنا ايه لازم دليل يؤكد ان النبي عليه الصلاة والسلام كان بيرفع يديه - [00:55:34](#)

في تكبيرات صلاة العيد ان الحديس اللي انتم جبتوه دوت كان مقصود به صلاة الايه؟ الصلاة العادية وبعض العلماء كمان حملوا على المواضع الاربعة المشهورة. اللي هو الرفع عند تكبيرة الاحرام وعند نزول الركوع عند الرفع من الركوع وعند القيام للركعة السالسة - [00:55:50](#)

والبعض عمنه لكن الفكرة ان هم بيقولوا ان الحديس ده مش في صلاة العيد فبردو مش دليل قوي لا يكفي البعض استدلال به والبعض قال لا عايزين دليل تاني طب تعال نروح لافعال الصحابة - [00:56:09](#)

ونشوف عملوا ايه. وده يرجح لنا. لو في مشكلة ان الصحابة اختلفوا وورد عن ابن عمر رضي الله عنه وارضاه انه كان يرفع يديه مع تكبيرات العيد ورد عن ابن مسعود انه كان لا يرفع يديه - [00:56:22](#)

ووقفنا هنا في نفس الاشكال. الصحابة نفسهم اختلفوا في ذلك نهاية المسألة ان هذه المسألة خلاف سائغ بين العلماء. سواء في صلاة العيد او في صلاة الجنائز. فاللي رفع او ما رفعش - [00:56:38](#)

ان شاء الله كله صح هو المسألة فيها خلاف صاغ لا ينكر هذا على زاك ولا هذا على زاك والامر واسع ولا داعي ان احنا نختلف في مثل هذه المسألة. اللي رفع رفع ولا ما رفعش ما رفعش خلاص - [00:56:50](#)

قال ثم يقرأ بعد الاستعاذة جهرا طيب خيلنا قبل ما نقول ان هو انتقل للاستعاذة بين التكبيرات في حاجة بتتقال بص هو لم يرد عن النبي عليه الصلاة والسلام حاجة في في الامر دوت - [00:57:04](#)

لكن ورد عن ابن مسعود كان يقول بين كل تكبيرتين حمد وثناء على الله والامام الشافعي قال يهال ويحمد بين التكبيرتين وقال الامام احمد بين التكبيرات تهلل وتسبح وتصلي على النبي عليه الصلاة والسلام. هذا اذا كان الامام اعطاك فرصة في وقت مسلا بين

التكبيرات اداك وقت - [00:57:19](#)

بضع ثواني فاعمل ايه في السواني ديت؟ بعض العلماء بيستحب ان يقول مسلا سبحان آ الله اكبر كبيرا والحمد لله كثيرا وسبحان الله بكرة واصيلا وصلى الله وسلم على سيدنا محمد - [00:57:43](#)

هل يستحب يقول كده وبعض العلماء قال ما ما فيش حاجة وردت في الباب دوت الامر واسع. اللي قال حاجة لا بأس. اللي ما قالش لا بأس ده في حالة ايه اصلا ان في فرصة ان انت تقول حاجة من التكبيرات. اما الامام بيحب التكبيرات سريعة خلاص كده كده - [00:57:59](#)

لا يوجد وقت لاي ذكر قال ثم يقرأ بعد الاستعاذة جهرا بغير خلاف يعني السنة الجهر في صلاة العيد طبعاً ويقرأ الفاتحة الركعة الاولى بيقراً ايه؟ الاعلى في صراخها السانية بيقراً الغاشية - [00:58:16](#)

ورد عن النبي عليه الصلاة والسلام انه كان احيانا يقرأ في العيد الركعة الاولى بقاف وفي الركعة الثانية بالقمر فهذه سنة وسنة للاسف قل من يفعلها. الناس متعود على الاعلى والغاشية. المفترض احيانا يحاول ان هو يقرأ بقاف - [00:58:36](#)

والقمر طبعاً يراعي الناس ويراعي برضه ايه الارق بالناس تمام؟ طب لو ان الامام التكبيرات الزائدة اللي هي الستة اللي بعد تكبيرة الاحرام والخمسة اللي في الركعة الثانية. هل هي واجبة؟ لا ليست واجبة. بمعنى هي مستحبة. فلو ان الامام نساها او زاد فيها

او انقص - [00:58:54](#)

لا يوجد مشكلة في الصلاة لا نحتاج ان احنا ننكر عليه. بعض الناس ممكن يعني تفتح على الامام اذا زاد في التكبيرات او انقص.

خلاص. لا داعي ان احنا اكيد الامام خلاص - [00:59:17](#)

الان هو اختلط عليه العدد. خلاص الامر يعني يجوز ويمر والصلاة صحيحة. فلو صلى آ صلاة ركعتين العيد زي ما بيصلي اي ركعتين بدون اي زيادة في التكبيرات الصلاة اصلا صحيحة. فوارد الامام ينسى. وارد الامام يزيد او ينقص فيها - [00:59:29](#)

فبيسجد للسهو لو نسي لا لا يشرع فيها سجود السهو لان آ امر مستحب يعني المسألة السادسة موضع الخطبة قال يا خطبة الخطبة

خطبة واحدة بعد الصلاة لقول ابن عمر رضي الله عنهما قال كان النبي صلى الله عليه وسلم وابو بكر وعمر يصلون العيدين قبل

الخطبة - [00:59:47](#)

الخطوة تكون بعد الايه؟ بعد الصلاة طيب هل هي خطبة واحدة؟ خطبة واحدة اذا كانت تصل الى الجميع تمام؟ لكن آآ لو احتاج الامام مسلا الصوت ما وصلش للجميع فقد يحتاج الامام ان يخطب مرة في الرجال ومرة في النساء. فلو احتاج الى ذلك لا بأس. اما -

[01:00:07](#)

اذا كان الصوت يصل للجميع بالمكبرات الصوت فهي خطبة واحدة تمام والنبي عليه الصلاة والسلام قال انا نخطب بعد الصلاة قال انا نخطب فمن احب ان يجلس فليجلس ومن احب ان يذهب فليذهب. اذا الاستماع للخطبة ليس بواجب - [01:00:25](#)

لكن اذا حتى تجلس فاستمع للخطبة بعض الناس لا هو جلس يعني لا هو ذهب ولا هو استمع الخطبة. بيبقى واقف في المصلى وقاعد بقى يتكلم ويتصور ويمشي بين الناس واطفال يلعبوا ينبغي ان احنا نعمل زي ما النبي قال - [01:00:44](#)

هل اللي يجلس يسمع الخطبة؟ مش هتسمع الخطبة؟ امشي امشي فلا تزعج من يريد سماع الخطبة. بعض الناس يبقى عايز يسمع الخطبة مش عارف يسمعها من حركة النساء بيبعدوا يتحركوا بين الصفوف. والاولاد يلعبوا والناس قاعدين بيتكلموا ويهزروا -

[01:01:04](#)

خلاص اللي عايز يعمل اي حاجة يطلع برة ليه؟ بعيد عن المصلي. وتسيبونا بقى ايه اللي عايز يجلس؟ يجلس يركز في الاستماع تمام

قال قضاء العيد. طيب اذا فاتتنا صلاة العيد - [01:01:21](#)

قال لا يسن لمن فاتته صلاة العيد قضاؤها. لعدم ورود الدليل عن النبي عليه الصلاة والسلام بذلك. ولانها صلاة ذات اجتماع معين فلا

تشرع الا على هذا الوقت هذا مذهب الحنابلة. وان كان عند الشافعية - [01:01:35](#)

يقولون يستحب ان يصلي ركعتين لو فاتته صلاة العيد الامر واسع في ذلك والخلاف سائغ قال المسألة الثامنة سنن العيد يسن ان تؤدى صلاة العيد في مكان بارز واسع خارج البلد يجتمع فيه المسلمون لازهار هذه الشعيرة. واذا صليت في المسجد العزري فلا بأس

بذلك - [01:01:49](#)

يسن تقديم صلاة الاضحى وتأخير صلاة الفطر كما تقدم ثلاثة ان يأكل قبل الخروج لصلاة الفطر تمرات من يكسر صومه تمام وحتى لا اذن احد ان الصوم ممتد الى صلاة الفطر ويؤكد ان خلاص طالما دخل يوم العيد او غربت شمس اخر يوم في رمضان خلاص -

[01:02:08](#)

تم الافطار قال والا يطعم يوم النحر حتى يصلي. والعكس بقى في صلاة الاضحى. صلاة الاضحى السنة تأكل بعد الصلاة ليه؟ عشان تاكل من الاضحية بتاعتك. فيسن الانسان يعجل بالزبح بعد الصلاة ويأكل آآ اسرع حاجة ممكن تتطبخ في الاضحية كالكبد ونحو -

[01:02:28](#)

وذلك يحاول يفطر عليه تمام؟ واذا لم يتيسر او لم يكن معه اضحية برضو يفطر بعد الايه؟ بعد الصلاة آآ لكن يخلي الفطر بعد الصلاة

في الاضحى. والفطر يكون قبل الصلاة في الايه - [01:02:49](#)

صلاة عيد الفطر تمام ويسن التبكير في الخروج لصلاة العيد. بعد صلاة الصبح ماشيا يروح للصلاة مبكرا حتى يكبر يتمكن من الدنون

من الامام وتحصيل فضيلة انتزار الصلاة طبعاً اذا وصل الانسان للمصلى - [01:03:04](#)

لا يشرع له ان هو يصلي قبل الصلاة فليس هناك صلاة لا قبلها ولا بعدها بمعنى بعض الناس لما يروح مصلى العيد بيصلي ركعتين

ويزن آآ هو بيختلط عليه بيصلي ركعتين تحية للمسجد - [01:03:22](#)

وينسى انه ليس في مسجد. هو احنا احنا مش في مسجد فما فيش تحية هنا للمصلى لانه ليس بمسجد. طب انا اما اروح مصلى

العيد اذا كان اذا كان في مسجد خلاص صلي تحية المسجد. اما اذا كان في خلاء - [01:03:40](#)

فلا يشرع انك تصلي واذا ذهبت ماذا افعل؟ اجلس مباشرة لا يوجد صلاة عندما تذهب لمصلى العيد. انما تجلس مباشرة انك انت في

خلاء لست في مسجد طب بعد الصلاة في صلاة مشروعة في المصلى لا يوجد صلاة مشروعة - [01:03:54](#)

لكن كان النبي عليه الصلاة والسلام اذا عاد الى بيته صلى صلى ركعتين. دول ايه؟ الضحى لصلاة الضحى بس تصليها في البيت مش في المصلى برضو تمام قال ويسن يتجمل طبعاً المسلم ويغتسل ويلبس احسن الثياب ويتطيب - [01:04:11](#)

طبعاً التطيب ده بالنسبة للرجال يعني وعن نافع كان ابن عمر يغتسل يوم الفطر قبل ان يغدو الى المصلى وكان يلبس احسن ثيابه في العيدين ستة ويسن ان يخطب في صلاة العيد بخطبة جامعة شاملة لجميع امور الدين ويحث فيها على زكاة الفطر - [01:04:29](#)

تمام؟ اذا كان الناس يعني في حد ما لحقش يطلع الزكاة يحثه ان هو ايه يعجل بها تمام؟ ويبين لهم ما يخرجون ويرغبهم في الاضحية اذا كان في صلاة الاضحية ويبين لهم احكامها وتكون للنساء فيها نصيب لانهن في حاجة لذلك - [01:04:50](#)

واقترء بالنبي عليه الصلاة والسلام يعظهم بقى بالعفاف والحياء والحجاب ونحو ذلك والصلاة فقد اتى النساء بعد فراغه من الصلاة والخطبة النبي عليه الصلاة والسلام خطب في زمان وخطب في الرجال وبعد كده اتى النساء وخطب فيهم خطبة ثانية - [01:05:06](#)

قال ويسن كسرة الذكر بالتكبير والتهليل لقوله تعالى ولتكملاوا العدة ولتكبروا الله على ما هداكم. يشرع التكبير امتي في الفطر يسرع التكبير في الفطر من فجر يوم العيد فجر يوم العيد - [01:05:24](#)

اللي هو فجر يوم واحد شوال الى صعود الامام على المنبر الفترة القصيرة ديت. هي دي فترة مشروعية التكبير في عيد الفطر من فجر يوم العيد الى ان يخرج الامام او يصعد الامام على المنبر - [01:05:41](#)

فترة قصيرة الاضحية واسعة جداً. من فجر يوم عرفة الى عصر ثالث ايام التشريق لو يوم تلتاشر اللي هو يوم ايه؟ يوم تلتاشر ثاني من من امتي لامتي؟ من فجر يوم عرفة الى عصر ثالث ايام التشريق اللي هو من فجر يوم - [01:05:59](#)

تسعة ذي الحجة لغاية عصر يوم تلتاشر ذي الحجة يسرع التكبير مطلقاً ويشرع التكبير بعد الصلوات والتكبير بعد الصلوات اللي هو ايه؟ الله اكبر الله اكبر الله اكبر لا اله الا الله الله اكبر الله اكبر والله الحمد - [01:06:23](#)

وينفع نقول الله اكبر مرتين بس يعني فيه ورد ثلاثة ورد اثنين الله اكبر الله اكبر لا اله الا الله الله اكبر الله اكبر والله الحمد والامر في ذلك واسع - [01:06:42](#)

قال والتكبير طبعاً مشروع في الطرقات وفي الشوارع يجهر به الرجال في البيوت والمساجد والاسواق وتسرب به النساء يعني ما يرفعوش صوتهم للنساء طبعاً ايه الموضوع دوت قال مخالفة الطريق - [01:06:54](#)

من السنة في العيد انك اذا زهبت العيد من طريق ترجع من طريق اخر ليه؟ عشان يحصل انتشار للمسلمين وابرار للشعيرة وتمتلي وتنتشر البهجة حديث جابر كان النبي صلى الله عليه وسلم اذا كان يوم عيد خالف الطريق. لما بيروح من الطريق ده يرجع من الطريق ثاني - [01:07:10](#)

والحكمة في ذلك ليشهد له الطريقان جميعاً وقيل لازهار شعيرة الاسلام فيهما وقيل غير ذلك ولا بأس بتهنئة الناس. بعضهم بعضاً يوم العيد بان يقول لغيره تقبل الله منا ومنكم - [01:07:25](#)

صالح الاعمال فقد كان يفعلها اصحاب النبي صلى الله عليه وسلم وقد ورد ذلك عن جماعة منهم مع اظهار البشاشة والفرح في وجهه في وجه من يلقيه وطبعاً يستحب التوسعة على الاهلي في ايام العيد وادخال السرور عليهم والبهجة - [01:07:37](#)

وبذلك يعني آآ انتهينا من صلاة الخوف وصلاة العيد. نتمنى تكونوا استفدتم النهاردة معلومات جديدة. نلتقي في لقاء قادم باذن الله تعالى. جزاكم الله خيراً. سبحانك اللهم ربنا وبحمدك اشهد ان لا اله الا انت استغفرك واتوب اليك. سلام عليكم - [01:07:53](#)